

東華續錄

嘉慶四十四

臣王先謙敬編

臣周潤
論著恭校

秋七月壬子定宗室覺羅養瞻孤寡例○癸丑習振翎以年老不職革職以周光裕爲山西布政使嚴煥爲湖北按察使

降調甘肅布政使

○甲寅諭太常寺進呈清文則例第三十六卷內 世祖章皇帝

孝惠章皇后 孝康章皇后 聖祖仁皇帝均未出格擡寫該

員等並不敬謹校對非尋常疏忽可比太常寺滿洲堂官俱著交部嚴加議處其前次奏請議叙之處著即撤銷所有紙工等項均不准開銷該衙門漢堂官不識清文均無庸議尋議上得旨成甯著降爲內閣侍讀學士候補舒甯色克精額均著降爲六品贊禮郎○丙辰和甯爲禮部尙書伊冲阿爲兵部尙書以蘇楞額爲

工部尚書

齊斯歡爲工部左侍郎

由內閣學士遷

○戊午諭御史李振

祐奏請禁考試騎射頂替積弊一摺所奏甚是八旗以騎射爲根本是以考試進士舉人生員以及考試繙譯均先閱看騎射其弓馬生疏者卽不准應試此我朝之舊典必應永遠實力奉行若其人素不練習騎射臨場倩人替代卽與文場考試槍替無異必應按律治罪嗣後凡遇此項考試者各旗都統等親身先行考驗能騎射者始准送名派出監試之王大臣於考試時令各旗章京等逐排識認射畢步箭卽射馬箭仍令本人下馬至階前報名如查有替代情弊將雇倩之人與替代之人一併治罪儼監試王大臣等市惠徇縱別經發覺定將王大臣等一併處嗣後遇有考試著報明御前大臣奏派乾清門侍衛二人至放馬處監視○庚申上啟鑾秋獵木蘭○免經過地方額賦十分之三○癸亥諭前

據御史葉申萬奏藩司李唐芸自盡一案各省輿論咸謂由於張均之多方激成張均前已奉旨革職熙昌等不應奏請開復原官交部察議當卽降旨交董教增秉公確查茲據奏稱確加查訪閩省實有此案係張均激成之論以張均接收交代朱履中短缺鹽課二千餘兩欲將書欠作抵張均不允催交見銀朱履中情急遂有稟評原督道府收受陋規之事儻張均稍肯通融朱履中必無此稟亦可無李唐芸自縊之事竟委窮源羣歸咎於張均交代刁難等語朱履中短缺鹽課以書欠作抵本屬違例張均不肯接收尙爲持正外省州縣交代互相牽混者多接任者不加詳查扶同徇隱以致虧缺相仍張均之不肯通融正係照例辦理安得謂之有心挑剔至朱履中之情急捏稟李唐芸之被誣自盡皆非張均之所能逆料該員之過惟在代朱履中墊銀三百兩以圖自免交

代遲延臣又代朱履中改削捏造家人何佳姓名混請銷案稟帖有此二條均千例議若張均並此而無之卽察議亦無庸矣此案業已查明張均著仍照熙昌等原擬開復原官交部察議熙昌王引之所擬並無輕縱著無庸議○乙丑諭成格等奏審擬陽曲縣派差苦累一摺此案衡齡失察之咎尙輕惟該省藩司習振翎老病昏庸一任幕友家人主持公事該撫近在同城日日接見豈得諉爲不知乃有心徇庇聽其貽誤地方吏部照溺職例議以革職實係咎所應得衡齡著革去山西巡撫另降清字諭旨賞給藍翎侍衛前往新疆換班其案內應議各員著交吏部議奏各犯罪名著交刑部議奏○以和舜武爲山西巡撫廣慶爲山東布政使調廉敬爲雲南按察使以邱樹棠爲江西按察使

山江蘇糧道遷

○丙寅

上駐蹕避暑山莊○戊辰調邱樹棠爲山西按察使承光爲江

西按察使○己巳晉隆以失祭宗室習教從逆奪職以和世泰爲

理藩院尙書

由總管內務府大臣遷

○以裕恩爲內閣學士

由頭等侍衛遷

○辛未

諭熱河兵丁向無普賞一月錢糧之例

皇考高宗純皇帝每年

五月駐蹕避暑山莊八月始行進哨該兵丁等安設堆撥值班日

期較多且射靶中箭人數亦多是以

特恩普賞一月錢糧自朕

巡幸熱河兵丁步射尙好是以照舊普賞去年今年均因兵丁等

步射較前平常中箭人數稀少將都統和甯慶溥交部察議協領

等議處兵丁等仍賞一月錢糧此二年內該兵丁步射俱屬平常

自係倚恃賞項平日並不留心學習從前

皇考高宗純皇帝五

月間卽來巡幸該兵丁值班日期較多尙能乘暇操演朕七月間

始來熱河豈轉無暇操練耶此而不示以懲戒恐兵丁等漸習偷

安朕明歲恭謁

祖陵不克巡幸熱河後年朕臨幸若該官兵等

東華錄

嘉慶四十四

三

步射仍如此平常不惟將該管都統章京等從重議處並將普賞一月錢糧之例永行停止止將中靶兵丁及厄魯特兵丁照例賞給此旨著交熱河都統傳諭章京兵丁家喻戶曉一體懍遵

八月丙戌以故和郡王縣愐子奕亨降襲貝勒○丁亥 上自避暑山莊巡幸木蘭行圍○戊戌諭海康見已訊明十八年八月曾經逆犯劉得山將九月十五日起事業已將伊算入林清事成給伊大官職之言向告伊當卽應允該犯身係宗室乃不爲大清國之臣子甘受叛逆官職狂悖已極慶遙經海康將滋事日期告知約令入夥亦卽應允並於九月十四日在海康家候信海康慶遙厥罪維均著曹振鏞等卽將該二犯按律定擬慶豐僅經慶遙將九月十五日街上有打槍之言向告並未明露逆謀見又到官自首將助逆各犯全行捕獲審明辦理其罪尙可末減著照例減等

治罪晉隆敬徵屏翰前以海康等僅止入教豫知逆情是以降旨止將晉隆等革職仍留四品頂帶並充總族長族長見審明海康竟欲受逆賊林清官職慶遙亦甘心入夥與曹綸情罪相同失察曹綸之祿康前經發往盛京該總族長族長等均應照祿康之例懲處故念晉隆係總轄之員且伊母年老其兄晉昌又遠任伊犁將軍晉隆著革去四品頂帶總族長免其發往盛京卽令在家侍養伊母敬徵屏翰俱著革去四品頂帶總族長族長發往盛京在宗室營房內居住其家屬聽其帶往所遺總族長族長缺著宗人府另行揀選具奏○命復於木蘭西哨門內建興安大嶺神祠○辛丑頒 御製訓管理宗人府王公及諸族長文

九月己酉 上駐蹕避暑山莊○辛亥諭曹振鏞等奏審明海康慶遙從逆罪狀及案內各犯分別定擬一摺我朝自開國以來宗

室中賢才輩出雖支分派別譜系蕃衍其中賢愚不一然從未有
千名犯義如海康慶遙之自外生成者該二犯拜奸民爲師學習
邪教已屬玷辱宗支乃海康於十八年八月經逆犯劉得山告以
九月十五日起事將伊箕入之言其時劉得山之父逆犯劉興禮
尙知伊身係宗室從旁阻止不意該犯竟冀圖得受僞職甘與逆
謀慶遙身係奉恩將軍經海康將滋事日期向告約令入夥伊卽
允從並於九月十四日至海康家守候信息坐收其利海康慶遙
甘心背叛間擬凌遲處死實屬罪所應得惟是朕以仁心治天下
甯人負我毋我負人該二犯雖情實罪當猶念其究屬宗支實不
忍處以極刑海康慶遙俱著改爲絞立決派奕勲將海康帶往伊
祖父墳前監視勒斃派永珠將慶遙帶往伊祖父墳前監視勒斃
該二犯屍棺俱不准於該二家墳園內埋葬慶豐經海康引伊入

教後卽改悔且慶遙告以九月十五日有人打槍之言並未明露
逆謀漏恐家人倪六挾嫌告發旋卽到官自首習教因此始將海
康慶遙二犯從逆重情逐一究明其非應從未減慶豐著改發吉
林其母妻二子亦俱著改發吉林俾令完聚交該將軍嚴加管束
海康妻女著照擬發往黑龍江慶遙之妻子女亦著改發黑龍江
俱交該將軍安插管束卽照縣課等所議章程另記冊籍辦理其
餘各犯罪名著交軍機大臣會同行在刑部再行覈議具奏此旨
到日著交阿哥等閱看並著管理宗人府王公通諭諸宗室知之

○癸丑 上自避暑山莊回鑾○四川總督常明卒贈太子少保
子祭葬諡襄恪賞銀五百兩治喪○調蔣攸銑爲四川總督阮元
爲兩廣總督以愛保爲湖廣總督葉紹樞爲廣西巡撫富綱爲廣
西布政使嵩孚爲安徽按察使

由山西歸綏道遷

○調玉輅爲廣東按察

使韓文綺爲貴州按察使○庚申 上還京師○辛酉諭國家簡

任大臣職分所在惟當竭誠盡力勉奉公若平日素餐耽逸意忽因循及朕召對責問又復飾詞巧辨殊失忠以事君之義順天府有緝捕之責兩月以來步軍統領衙門五城奏獲匪犯多名該衙門未獲一犯前劉鑑之等至行在接駕朕面加詢問劉鑑之奏稱因府屬被旱籌辦撫恤煮賑等事是以未經派員緝捕朕卽詢以煮賑事宜劉鑑之於設廠地面米石數目又全不能奏對明晰是劉鑑之置捕務於不問而於撫恤事宜亦係虛詞搪塞部議照溺職例革職實係咎所應得念其供職多年不至遽予罷斥劉鑑之著加恩降爲侍郎候補以觀後效汪如淵雖辦理遲延召對時叩頭引罪並未隨同巧詞支飾著加恩改爲革職留任○調盧蔭溥爲戶部尙書以章煦爲兵部尙書

病痊協辦大學士刑部尙書

○甲子擢京

倉米三千石於大興宛平二縣煮賑○乙丑胡克家卒調李堯棟

爲江蘇巡撫以李繼宣爲雲南巡撫曹六興爲四川布政使富信

爲四川按察使

由浙江甯紹台道遷

○丁卯以哈爾阿載銓俱爲內閣學士

哈爾阿山太常寺卿載銓山副都統遷

己巳再撥倉米八千石於大興宛平二縣

煮賑○庚午頒

御製諫臣論於都察院

冬十月辛未朔日有食之○癸酉加賞五城貧民棉衣○辛巳李

繼官卒以李堯棟仍爲雲南巡撫陳桂生爲江蘇巡撫伊什扎木

素爲江蘇布政使調麟祥爲江蘇按察使以糜奇瑜爲福建按察

使

山臺高道遷

○乙酉諭盛京爲我朝發祥之地 締造鴻規式瞻

前烈我 皇考高宗純皇帝臨御六十年曾四次 躬詣恭謁

祖陵並 垂訓後嗣必當瞻懷舊疆再三周歷朕在藩邸時曾隨

侍 皇考東巡及寅承 大統恪遵 聖訓於嘉慶十年親詣陪

都祇謁 橋山越今十有二年緇維 祖 宗遺緒慕切羹牆允

宜再申叩調敬薦肝鬲特消吉於明年七月二十二日自京啟鑾
前往盛京恭謁 三陵屆期令二阿哥三阿哥四阿哥隨往所有
一切典禮事宜著名該衙門照例敬謹豫備○庚寅賜武鳳來等
四十五人武進士及第出身有差○壬辰予故正黃旗滿漢副都
統福長安都統銜賞治喪銀三百兩○戊戌諭我朝 列聖相承
廣開言路朕虛懷納諫凡科道所上章疏其言是者無不採納施
行卽或識見迂舛所言不當亦每曲示包容不特不肯誅戮言官
卽如前朝批政廷杖諫臣亦從無其事本日朝審勾到官犯內伊
縣泰蕭鎮二名俱予勾決伊縣泰枉法婪贓法所難宥至蕭鎮職
居言路得以上章言事徇情聽屬已干法紀乃竟賄賣條陳以章
奏爲納賂之具欺君罔上孰大於此若不加嚴懲則言以賄行顛

倒是非變亂黑白勢將何所不至特將該犯明正典刑以昭炯戒
內外臣工當知朕所誅者乃壞法營私行同市儈之小人於上章
言事之諫官毫不相涉也將此明白通諭知之

十一月辛酉調韓文綺爲四川按察使富綱爲貴州按察使○甲
子諭國家設官文武並重大小官員接見均有一定體制不容意
爲中亢朕近聞外省知府同知竟有與提督並行者若不亟爲整
頓恐蹈前明重文輕武惡習大有關繫著該部查明會典內文武
相見儀注開例具奏再通行頒示各省令各遵例以禮接見如有
意爲軒輊者交該督撫查明參處○乙丑調和甯爲兵部尚書以
穆克登額爲禮部尚書

由直隸泰
甯總兵遷

十二月甲午諭軍機大臣等本月 皇考高宗純皇帝聖訓清漢
本刊印全竣頒賞臣工松筠亦與分賞之例乾隆四十三年 皇

考親詣盛京恭謁

祖陵降

旨垂訓後嗣當瞻懷遼瀋舊疆再

三周歷或無識臣工妄以爲不宜當律以悖命之罪誅之無赦煌

煌

聖諭見恭載

聖孝門內松筠前次妄行陳奏或未會恭讀

聖訓此次頒發到日著松筠敬謹焚香跪讀捫心自問伊率意妄言當得何罪其時朕僅將伊降謫伊心是否允服知感知懼儻自謂抱屈亦不妨直言卽行繕摺覆奏再松筠昨奏請賞給太僕寺商都三百五十九羣牧官兵每羣牧谷銀十兩朕以賞出無名且每官兵所得無幾事非長策未予准行本日據松筠覆奏惟稱今歲口外大雪各羣牧辛勤奮勉是以奏請鼓勵等語察哈爾地方冬令雪大係常有之事恩任以來從無因此奏請鼓勵者松筠今歲擬爲此舉若一年准其賞給則明年必將援以爲例歲糜數千金亦非所惜究之牧羣人衆所獲幾何於馬政更有何裨益且

該處官兵等聞松筠亦有此奏早已心生感激及知未蒙允行又必歸怨於上松筠天性好行小惠煦煦爲仁全不思經久長策亦不知爲政大體不可不痛自改悔也至瑞齡身任副都統遇事有窒礙難行者卽懸阻止今一味隨聲附和與棍楚克策楞何異松筠瑞齡俱著傳旨申飭其所奏進哨調馬章程已交兵部覈議矣

○乙未諭本日王大臣等因頒賞 皇考高宗純皇帝聖訓具摺謝恩我朝 列祖 列宗皆以孝治天下 列聖徽號必以孝稱誠以孝爲自行之首始於宮廷達於四海錫類推仁人人親親長長而天下平化理之原莫重於此也 皇考聖訓首列 聖孝六十年中東西 兩陵 躬親展謁四時 廟祀 孝享惟虔盛京爲 王迹肇基之地 列聖以來皆 躬詣陪都祇謁 三陵垂爲典則惟以道途遙遠不能歲舉烝嘗是以或十年或十餘年詎

吉舉行世傳弗替我 皇考於乾隆四十三年三詣盛京時 睿
慮深長特降 旨垂訓後嗣當念遼瀋舊疆再三周歷斬於
祖宗遺緒身親目覩勿忘 開創艱難或無識臣工妄以爲不宜
卽律以悖命之罪誅之無赦煌煌 聖諭炳若日星本年夏間畿
輔一帶雨澤偶愆大學士松筠具摺陳奏請停止二十三年盛京
謁 陵之舉朕覽奏愕然若律以悖命之罪卽不立正典刑亦當
禁錮囹圄朕念松筠在乾隆年間任事有年又經朕擢用首揆原
其陳奏尙在末降旨以前僅得伊降爲二品頂帶補授察哈爾都
統用示薄懲今 聖訓業已頒賜內外臣工著各恭檢 聖孝門
內 皇考原降 諭旨敬謹跪讀於朕懲處松筠一事當各曉然
於心知朕不得已之苦衷尙失之於姑息並未爲已甚也松筠好
行小惠不識大體必有爲伊抱屈之人此等淺陋小人亦不值深

究任彼爲之朕亦不懼將此通諭知之○文甯以縱容僕從需索解任調和舜武爲河南巡撫以成格爲山西巡撫調廉善爲刑部右侍郎

山禮右調

○是歲朝鮮越南琉球來貢○會計天下民穀數各

省通共大小男婦三萬三千一百三十三萬四百三十三名口各省通共存倉米穀三千四百九萬七千七百十石五斗一升四合一勺